



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

26 A Ludgerus Bischoff zũ Münster.

**urn:nbn:de:hbz:466:1-41449**

A vij. Calendas Aprilis.  
Der XXVI. Tag im Merzen.

**S** Pentapoli inn Libya / ist heut der Geburtstag  
der heyligen Theodori des Bischoffs / Irenei des  
Diacons / Scrapionis vnd Ammons der Leser /  
welche alle durch wunderbarliche starkmütigkeit des  
Gaites vilerley pein vnd marter / vmb die Ehr Christi  
eingenommen haben.

Item in Vngerland der heyligen Marterer Mon-  
tani des Priesters / Demetri des Diacons / Maxime der  
Jungfrauen / vnd anderer 40. Welche alle vnder dem  
Kaysler Diocletiano / als sie für den Glauben Ritterlich  
gestritten / in das Wasser geworffen seind.

Item zu Rom / des heyligen Marterers Castuli /  
war ein ansehnlicher Mann / an des Kaysers Diocle-  
tiani Hof / aber ein heimlicher Christ / der vil Christen  
stercket vnd erhielt. Als solches der Kaysler erführe /  
ward er zum drittenmal an ein Rahm auffgehendet / mit  
Bley Kolben geschlagen / vnd als er nach der dritten  
verhörung in bekannnuß des H. Eren beständiglich  
verharret / ward er in ein Gräb geworffen / vnd mit vil  
Sand bedeckt / ist also durch die Marter zu Christo ge-  
fahren.

Anno Dñi  
287.

Item noch zu Rom / der heyligen Marterer Pe-  
tri / Marciani / Iouini / Teclæ / Casiani vnd Theodo-  
rici / welche in ihrem grossen leyden wunderbarliche ge-  
dult vmb Christi willen erzaigeten.

Item des heyligen Marterers Serotini.

Item des heyligen Felicis / des andern Bischoffs  
zu Trier vnd Reichstigers.

Item

## Martius

Item zu Werdena / die begräbnus des heyligen  
Ludgeri ersten Bischoffs zu Münster / vnnnd Beichti-  
gers / zur zeit Caroli Magni / von jugent an gar Gottes-  
fürchtig / ward zum Diacon zu Eboraco vnd zum Prie-  
ster zu Cöln geweyhet / predigte den Saren vnd Fries-  
ländern das Euangelium Christi / war fürtrefflich im Le-  
ben vnnnd Wunderwerken / kam in ein Insel in Fris-  
land / sang mit dem Creuz: Exurgat Deus, & dissipen-  
tur inimici eius, das ist / Gott stehe auff / vnd seine Feind  
müssen zerstreuet werden. Da gieng ein Volck vor der-  
selben Insel auff / vnnnd flohe vor ihm / zum zeichen / das  
der Teufel von dannen wiche / darnach beköret er dasselb  
Volck zu Christo. In seinem abschid erschien ein grosses  
Licht / welches die ganze Landschaft Franckreich er-  
leuchtet.

Anno Dñi  
809.

Item in Irland des heyligen Abts vnd Beichti-  
gers Mottelogi.

Item zu Cöln am Kein / im Augustiner Kloster /  
die gedächtnus des heyligen Martirers Constantini /  
von der Gesellschaft der heyligen Noren.

Item in dem Kloster Laubias / die erhebung des  
Leibs S. Vrsuari des Bischoffs vnd Beichtigers / von  
welchem weyter am 18. Aprilis.

b . . . vj. Calend. Aprilis.

Der XXVII. Tag im Mercken.

**I**n Egypten ist heut der Tag der begräbnus des  
heyligen Einsidels Johannis / welcher sein woh-  
nung auff einem hohen Felsen het / vñ daselbst si-  
benzig Jar eingeschlossen blibe / redet gar selten mit  
den